



The Beer That
Made Milwaukee Famous



Diario



pa Aruba



OPTIEK
Oranjestad
van Nicolas



ANJA 21

DIALUNA 20 DI JUNI 1960

Nr. 3769

Talentonan local a duna anochi Colorido den Bolivariana

Casi Cinco cien florin pa Chile

ORANJESTAD — Un Sociedad Bolivariana de bote en bote a keda asombra Diasabra anochi di e talento local cu a worde presenta durante un show musical, cu tabata organisa pa juda e victimanan Chileno. De diestres agrupacionnan musical cu a duna nan cooperacion a brilla den tur sentido.

E mas o menos 250 hende cu tabata presente y cu a trece un entrada di fls. 472,— den cash a goza numero pa numero. Durante di e show e consul Panamenjo, senior J. Eskildsen a haci entrega di un cheque di fls. 150,— na

number di E. De Veer Chain Theatres. E suma aki tambe lo bai pa e comie Aruba Juda Chili.

E programma den cual a tuma parti nos por bisa artistanan for di tur distrito a caracteristica su mes pa dos cos: artistanan mas avanza y esnan cu ta cuminsa awor.

Senior Addison Croes tabata e homber pa dirigi e curso di e programma, cu a habri cu un di e acostumbradonan: Mariachi Mil Amores. E dos cantantenan Ildo Hernandez y Bubu Bislick un biaha mas a demostra nan talento pa musica mejicano.

E grupo di baile Antillano, cu tambe a tuma un lugar fijo den e show aki, (Sigi lega pag. 2)

SHOW DEN BOLIVARIANA

(Cont. di pag. 1)


a worde acompaña tur dos biaha pa Los Duques den e tumbunan: Chinita y Peruchi. Tally Lopez, tambe a duna su cooperacion, acompaña na pando del Padu del Caribe. Don Sixto Croes, director di Conjunto Folklórico Arubano a zorg pa su muiconan presenta e anochi aki tur na „sinkoeri”. Majoria di e aplausonan den e promer parti di programma a bai pa nan tambe.

Nos campeon trio „Los Aventureros” tambe a trece algun di nan piezanan na oido di e publico.

E segundo parti di e programma a habri cu masha hopi aplauso ora cu Los Duques a bini cu nan show. Duque Luis Ogenio a roba e aplauso di e publico ora cu ela jora „Amarga Navidad” dilanti microfono, na un manera cu Amalia Mendoza lo a kita sombré Los Duques a muestra e publico con mester „Respetá Polis” aki na Aruba.

Un serie di talentonan nobo a sigui despues, entre cual Quartet Happy Girls, consistiendo di cuater damas Surinam. E trio mas joven di nos isla Los Juveniles tambe a presenta cu guitarra mas grandi cu nan curpa, y gran aplauso nan cantante Jossy Brokke a cosecha. Glenda Diaz a worde acompaña na piano durante su dos interpretacionnan, pa Sra. Roda Steenhuisen. E vos duo di Esther de Castro y Rudolf Brete a combina masha bon. The Rola Rola Kids bau direccion di Wilfredo Maduro a pone fin na e programma cu nan numeronan espantoso di equilibrio y acrobacia.

Senior G. de Castro di Sociedad Bolivariana no por a laga di dirigi algun palabra ora cu el a mira talentonan local e anochi aki. „Awe nochi ta haci mi corda na añanan 1944-45, tempo cu Sociedad Bolivariana sa tene su anochinan cultural”, el a bisa. Tambe senior Miguel (Geechi) Pietersz, kende a tuma e iniciativa pa organisa e anochi aki, a dirigi palabranan di gratitud. Tabata un anochi divertidismo den cual un biaha mas a keda demostra ki gran talentonan nos ta posée.



Rola-Rola den accion.